

Lentswe la hao. Setjhaba sa heno. Matla a hao.

LETOTO LA DIPHAMFOLETE TSA MMUSO WA LEHAE

Bonkakarolo ba Batjha Mmusong wa Lehae



Phamfolete ena e fana ka tlhahisoleseding mmusong wa lehae Afrika Borwa.

Dimasepala di bohlokwa haholo mme di fana ka ditshebeletso tse re dumellang ho phela maphelo a hlomphehileng le a phetseng hantle.

Ho Matlafatsa Moloko o Latelang bakeng sa Merero ya Masepala e Nang le Kenyeletso

Phamfolete ena e ralletswe ho matlafatsa batjha hore ba bope ka tsela e nang le tjheseho setjhaba sa habo bona, ho susumetsa merero ya masepala, le ho tseka sebaka sa bona se nepahetseng mmusong wa lehae Afrika Borwa.

NA O NE O TSEBA? (DINETE TSA KAPELE)

Tlhaloso ya Batjha: Afrika Borwa, batjha ba hlahoswa semolao e le batho ba dilemong tse dipakeng tsa 18 le 35.

Matla a Batjha: Batho ba batjha ba dilemo tse dipakeng tsa 18–35 ba etsa karolo e ka bang nngwe borarong ya setjhaba sa Afrika Borwa. Sena ke lebotho le leholo le nang le matla a ho bopa bokamoso ba setjhaba sa rona.

Ho ya Dikgethong ha Batjha:

Dikgethong tsa mmuso wa lehae tsa 2021, ke 20% feela ya batjha ba ingodisitseng e ileng ya vouta. Dikgethong tsa diprofensi le tsa naha tsa 2024, batjha ba tlileng ho vouta ba bile ka tlase ho 30%. Sena se bontsha tlhokeho ya ho rerisana le batjha e haholo ditshehetsong tsa demokrasi.

Boemedi ba Batjha Palamenteng Afrika

Borwa: Ke 3% feela ya Ditho tsa Palamente (di-MP) tse dilemo di 20–29. 16.8% ke ba dilemo tse 30–39. Sena se bontsha sekgeo dipakeng tsa bongata ba setjhaba sa batjha le boemedi ba bona dibakeng tsa ho etswa ha diqeto.

Papiso le Lefatshe Lohle: Ke 2.8% feela ya mapalamente lefatscheng ho pota e dilemo tse 30 kapa ka tlase, ha ka hodimo ho 50% ya setjhaba sohle sa lefatshe e le ka tlase ho dilemo tse 30. Dinaha tse jwalo ka Norway (13.6%), Armenia (13.1%), le Jeremane (8.8%) di bontsha kenyeletso e matla ya batjha.

“RE LOKELA HO HLOKOMELA BATJHA. MEHOPOLO YA BONA E BOHLOKWA.”

– Setho sa Setjhaba

Bonkakarolo ba Batjha: Bo Tsheheditsweng ke Molao



Mona Afrika Borwa, melao e fapafapaneng le maano di kgothaletsa ntshetsopele ya batjha, haholoholo mmusong wa lehae. Sena se bolela hore o na le tokelo ya ho bua, ho abelana maikutlo, le ho thusa ho etsa dikgetho tse amang toropo ya heno kapa toropokgolo!

Molaotheo wa Afrika Borwa (1996): O tiisetse batjha tokelo ya ho nka karolo diqetong tsa mmuso. O kgothaletsa ho hloka leeme, kenyeletso, le boahi bo sethahlo.

Pampiri ya Ketsamolao ya Mmuso wa Lehae (1998): E kgothaletsa mmuso wa lehae ho sebetsa le setjhaba, ho kenyeletswa batho ba batjha, ho ntlafatsa phano ya ditshebeletso le ntshetsopele.

Molao wa Disistimi tsa Masepala (2000): O hloka hore dimasepala di kenyeletse batjha ho rereng le ho etseng diqeto, haholoholo ka Morero o Matahantsweng wa Dintshetsopele (Integrated Development Plan (IDP)).

Molao wa Ditheo tsa Dimasepala (1998) le Molao wa Taolo ya Ditjhelete tsa Dimasepala (2003): E seta melawana bakeng sa kamoo dimasepala di sebetsang ka teng le ho laola ditjhelete, ho theha sebaka bakeng sa batjha ho rerisana mmusong wa lehae.

Molao wa Ejensi ya Naha ya Ntshetsopele ya Batjha (NYDA) (2008): O thehile NYDA ho etella pele maiteko a ntshetsopele ya batjha le ho netefatsa hore batho ba batjha ba kenyeletswa mananeong a naha le a lehae.

Melawana ya Tataiso ya Batjha Dimasepaleng (2004): E kgothaletsa dimasepala ho theha diyuniti le Makgotla a Taolo a Batjha ho tshehetsa kameho ya batjha ho rereng le ho etseng diqeto.

Leano la Naha la Batjha (2020–2030): Moralo wa matlafatso ya batjha ka thuto, kgiro, bophelo bo botle, le therisano ya setjhaba. Le kgothaletsa ntshetsopele ya batjha e nang le kenyeletso le karabelo.

Morero wa Ntshetsopele ya Naha (NDP 2030): O reretswe ho fedisa bofuma le ho fokotsa tlhokeho ya tekatekano ka 2030. O thathiseletsa bonkakarolo ba batjha jwalo ka senotlolo ho aheng Afrika Borwa e ntlafetseng.

Moralo wa Naha wa Tshebeletso ya Batjha: O kgothaletsa boikamahanyo ba batjha tshebeletsong ya setjhaba le diprojekteng tsa ntshetsopele tsa lehae.

Moralo wa Ketsamolao o mabapi le Ditokelo tsa Batho ba sa Itekanelang (2015): O netefatsa hore batho ba batjha ba sa itekanelang ba kenyeletswa dintlheng tsohle tsa bophelo, ho kenyeletswa mmuso wa lehae.

Molao wa Tekatekano Kgirong: O tshehetsa tshwaro e hlokang leeme le menyetla e lekanang bakeng sa bohle, ho kenyeletswa batjha, mesebetsing.

“TEKANYO E LE NNGWE YA NAHA E HATELANG PELE KE KA MOO E TSHWARANG BATJHA BA YONA.”

– Ngaka Essop Pahad, Leano la Naha la Ntshetsopele ya Batjha Moralo (2002–2007)

Hobaneng Bonkakarolo ba Batjha bo le Bohlokwa

Diqeto tse etswang ke dimasepala di ama batjha ka kotloloho: ditshebeletso, mesebetsi, polokeho, boithabiso, le tse ding.

Batjha ba tlisa maikutlo le ditjhebo tse ntjha ditabeng tsa lehae

Ho rerisana le batjha ho kgothaletsa setjhaba se nang le kenyeletso le tswelletseho.

Palo e tlase ya batjha ba yang dikgethong le palo e tlase ya batho ba tlang dikopanong tsa masepala di bontsha ho se be le kgokahano. *Re hloka ho fetola sena!*

KE ENG SE SITISANG BATJHA HO YA PELE?

- Ho hloka tshepo ditheong tsa sepolotiki
- Dikopano tse hloakang botswalle le batjha kapa tse sa fihlilleheng
- Menyetla e fokolang bakeng sa ho hlahisa maikutlo ho molemo
- Ho hloka kgiro ho phahameng le bofuma
- Thuto e fokolang mabapi le boikarabello setjhabeng

BATHO BA BATJHA BA KA NKA SEABO JWANG?

Tsena ke tse ding tsa ditsela tse sebedisegang tseo ka tsona batjha ba ka nkang karolo dimasepaleng:

- Ho ya dikopanong tsa Merero e Matahantsweng ya Ntshetsopele (Integrated Development Planning (IDP)) wateng ya heno
- Ho kenela dikomiti tsa diwate
- Ho emela ho kgethwa jwalo ka molekgotla
- Ho sebedisa mediya wa phedisano (social media)
- Ho ithaopa kapa ho thusa ho sebeletsa masepala
- Ho vouta le ho kgothaletsa batho ba bang ho vouta
- Ho kgothaletsa ho thehwa ha ditheo tsa batjha



**"LENTSWE LA HAO LE
BOHLOKWA. MAIKUTLO A HAO
A TSOTELLWA. BONKAKAROLO
BA HAO BO MATLA."**

TSE DING TSA DITSELA TSA HO NKA KAROLO



Lenanetekolo	E	TJHE
Na o ngodiseditse ho vouta dikgethong tsa mmuso wa lehae?	<input type="checkbox"/>	<input type="checkbox"/>
Na o tseba mokhanselara wa wate ya heno?	<input type="checkbox"/>	<input type="checkbox"/>
Na o tseba ditho tsa komiti ya wate ya heno?	<input type="checkbox"/>	<input type="checkbox"/>
Na o kile wa kenela kopano ya masepala?	<input type="checkbox"/>	<input type="checkbox"/>
Na o karolo ya sehlopha sa batjha kapa mokgatlo wa setjhaba?	<input type="checkbox"/>	<input type="checkbox"/>
Na o latela masepala wa heno ho social media?	<input type="checkbox"/>	<input type="checkbox"/>

DIMASEPALA DI TLAMEHA HO FANA KA TSHEHETSO EFE?

- Ho Theha Diyuniti tsa Batjha kapa Dikhansele
- Ho sebedisa dipolatelyomo tsa dijithale ho fana ka tlhahisoleseding le tlalehelo
- Ho fana ka thuto ya setjhabeng
- Ho behella batjha ka pele mererong ya IDP le bajete
- Ho kgothaletsa batjha ho emela dikgetho tsa bakhanselara le ditho tsa diwate
- Ho theha dilekane le mekgatlo ya batjha jwalo ka Activate Change Drivers (Tsosolosa Baqhobi ba Diphetoho)

COMPACT has developed civic education pamphlets on several topics: understanding local government, accountability and oversight, municipal councillors, and ward committees. The Working Towards Collaborative Local Government guide provides very useful information about municipalities.

Visit <https://pari.org.za/toolbox/faqs/civic-education>



Ntlhakgolo: Activate Change Drivers !

Activate Change Drivers! Ke netweke ya batjha e nang le maikemisetso a ho hlomella batho ba batjha ka hore e be baahi ba nang le boithahisetso bo sehlaho, ba susumetsang le ho hlohleletsa diphetoho tse molemo molemong o motle wa setjhaba ka kakaretso. Mokgatlo o behile leihlo dikopano tsa IDP ho parola dimasepala ho netefatsa hore mantswe a batjha a utluwa. Ba le teng ho parola diprofensi tsohle tse robong, batsosolosi ba batjha:

- Ba kenela le ho tlaheha dikopano tsohle tsa IDP
- Ba kgothaletsa batjha ho nka karolo
- Ba buella ditaba tsa bohlokwa tsa batjha morerong wa masepala

ACTIVATE!
change drivers

Ho bala haholwanyane: <https://activatechangedrivers.co.za/>





Co-funded by
the European Union

Websaete: <https://pari.org.za/compact>

Twitter: @Compact_MyMunic

Facebook: Compact – My Municipality

Imeile: Girish Daya: girishd@pari.org.za

Winnie Manganye: wmanganye@salga.org.za